

Epazaazi Epazaazi Mwaalyaraavina Pikariyikwia' Poli Yavikaryakesi.

¹ Polinyi yikwia da' pikarya yavikarivanigeinyi. Gotiyai gamire simunyavi mena kanyidahilaka! Kiraazitiyai Jizaazai Nyidaasadeinyi yima'ne Apozeliyainyi. Gotiyare tewaanyaihiriri Gotiyai yihithahilakakeihi Anga Epazaazi mwaalyaihiririna yavikarivanige. Kiraazitiyai Jizaazari wlamwaaihasa'na Kiraazitiyari diraginna limwadivisaihiririna yavikarivanigeihilyi.

² Gotiyai Nenimaangelyi Naanga Jizaazai Kiraazitiyalyi sanidaai yanga tewaanna yihigaimwagika! Kirimire kwaamu'nanyabwi yihwarana!

Kiraazitiyarina Gotiyai nemire kuryaraavina tewaanya nejaavade'nesi.

³ Kiraazitiyarina Gotiyai Kiraazitiyari wlanemwaaihake'na Sigunyaviya tewaanya naanga yuya nemire kuryaraavina yanga nejaavakengi. Sare'na Gotiyari nemire Naanga Jizaazai Kiraazitiyare Ganimaangeri tewaanya yilaaya maryaana!

⁴ Sare' kigaakuna Gotiyai Kwaakeva' mwakyaakegaa' neminyina yawi'na "Sahwara nimirera yima'nipika! Nyibwaalivi

wilamwaaibide'na sahwara tewaanyara yima'nipide're. Niminyaba yiwetawakya maayara yima'nipide're.” Neminyina sara yawina yakabaaibi' mi'na nedahilakyya'.

⁵ Sarei kale wiada tewaanya wivu'nada sinnawi neminyina yawina “Kiraazitiyai Jizaazai balade'na niminyi nyibwaalivaangera wimwaaihideinyi!” Gotiyai nayaa yawina “Tewaanyabwi yima! Sara yideinyi,” sara yawina yadei sara nedahilakyya'.

⁶ Kiraazitiyarina yilaaya wivu'naderina Gotiyai yange'na tewaanna negaimwagakelyi. Yi sasarei sare yanga gaimwanga byaannakevina sahwaru yilaaya naanga wiaana!

⁷ Kiraazitiyai sai balaka gannya tawevina wila nevwiyinikeinaavi nemubake', nemire yiwetawakyyanna marasi'nikesi. Sare'na Gotiyare yanga gaimwangebwine aaya kaavilyanna sara neyakengi.

⁸ Sai yanga yanga tewaanna naanga negaimwagakengi. Gotiyai simunya nawinyaviji siduta tewaanyaburiji gamire yanga gaimwanga sabwi nejaava'.

⁹ Sarei gannya simunyavi yawina “Kiraazitiyarina tewaanna yima!” daka sinnawi sagaa' lika yulyasa' wa'dinyi dahaasagaa' gamire yoimavajalikurakya sa' ku'maayaba neyibwaridaakwa'.

¹⁰ Pigasa yuyagasa mi'na yaka nawinyagaa' dahilakyyaakegaa' sinnawi yawina “Kiraazitiyai balade'na yuyangi Sigunyaviyaji Kwaakevakiyaji sangi kye'mwannemwaaiha'muji

Kiraazitiyai Minyaginiyai maremwaalana!” Sara yawi'na yaakebwina dahaa' yuyangina Kiraazitiyai Naangei mwaali'. Sare' neyibwaridaakwa'.

¹¹ Gotiyai yawi'na “Sara yideinyi. Simunya nayaa yawira'muji yideinyi.” Sara yawi'na yake'na yuya yadelyi. Sare'na Gotiyai aayawidaa'nyii mena yawirake'na sare'na nedahilakyaa' “Sahwara nimire tewaanya maapika! Kiraazitiyari kwilamwaaaha'muji nimirera mwaabika!”

¹² Sare'na nemi Kiraazitiyari wi'nona dahaa' sinnawinyaina Kiraazitiyari nayaa yemwaaihoine. Gotiyai yuya sara tewaanna yaka byaan-yavina Gotiyari yilaaya naanga wiaana!

¹³ Nabaai, sarimi Kiraazitiyari wilamwaaihasa'na avaina yihya'. Sarimi yagaala nebulya' kadika wi'ne!. Sa' yagaala tewaanya' Gotiyai yihivadaihasamaarakesi yagaala sa!. Sarimi kadika wi'neva Kiraazitiyari kalimwagare' Kuryai Tewaanyari yi gamire yavikwajikeri yihizaava!. Yihizaavake'na “Gamireinera,” widivaniga!. Kurya sarina Gotiyai yune naanga nebulya'na widakelyira.

¹⁴ Gotiyai yawi'na “Dahaa' sinnawinyai Kuryai Tewaanyari wijaawe'na nimirera dara yawipika! ‘O, Gotiyai nedake Sigunyavi naanga tewaanya yuya nejaavadelyi.’ ” Gamireinaavi yuna neyaaroyagaa'na yuya daza nejaavadelyi. Sare' gamire byaannya'na yilaaya naanga wiaana!

Polii Gotiyari widake'nesi.

15 Yuya sarevi nimi sainyi wi'nyina “Anga Epazaazi mwaalyara Naanga Jizaazari nayaa limwamaniga'. Gotiyare tewaanya yuyaraavina tewaanya wivu'naderera,” wi'nyina yena

16 kwadika mwamujainyi sariminyina Gotiyari yilaaya wiadi “Su! Su!” widadinyainyi. Gotiyari widadinyagaa' sariminyina yawi'di widadinyainyi.

17 Sariminyina “Nemire Naanga Jizaazai Kiraazitiyare Gotiyai, Neni+maanga byaannakei sahwaravire kuryaraavina simunya nawinya' wijaavana! Sahwaravina gami' sahwar' yunebanna wijalangesakinana!” dena widadinyainyi.

18 Sarimire simunyangi gamire baake' kwakoji gamire nebulya' nayaa danganyide'nanyi. Yi' dara jaw+ranganyide'nanyi. Sahwai yihizi+vwaramaarakevina yemwaaid+v+sabule! Yemwaalya sabwi yaw+ramaap+kaji! Nabaai, Gotiyare byaannyavine naw'nyannanya gamirena gannyaihina yihizaavadenge!

19 Nemi' limwange'neinaavi gamire diraginya naange' neyivanikevina gannya di'naka naangaange' yuya wav'la'de' wijiwaainana! Diraginya sa' naange'

20 Kiraazitiyarina yake' avaalysi. Diraginya sasi Kiraazitiyari' bain'keraayawi yid'kaavaka Sigunyavi diraginyaba gamire aangesimagi walamwaaiha'.

21 Saba munya ke'beva Kiraazitiyai Naangei maremwaali'. Kiraazitiyare diraginya' maremwaaidivita yuyaraji ga'maaniya yuyaraji diraginya yuyaraji

naanga yuyaraji saraavire diraginyangi wavila'desi. Nabaai, yaya makinikeraavi kekyiri' munyaba maremwaalikelyi. Dahaasara, Kwaakevakia yaya naangejiyara gaveraavina mi'. Aawa. Sigunyavi mwalaadehaasa yaya naangejiyaraavi Naangei maremwaalikelyi.

²² Dahaasara, Kiraazitiyai maremwaideva Gotiyai yuyaraavi wimwaaihada Kiraazitiyare sivilyiraari amwi yuyara mwaiha' maalikera. Nabaai, Gotiyai Kiraazitiyare kusilaanyainaavina nemire Naangeri wimwaaihiwa' yuyanna. Sai nemire Minyaginyari wimwaaihiwa'.

²³ Kiraazitiyare kusilaanya' yi sa' gamire kilaakejiki. Sare' neminyi Kiraazitiyare kilaakejikiyainaavi nemwaaihiwakei. Kiraazitiyai sara nedada gannya diraginya' nejaavada gannya simunya'na yivanigoinera. Kiraazitiyai Sigunyavi, Kwaakevaki yuyangi yuneba wlamwaaideri gamireina yuna wlamwaaihoinera.

2

Kiraazitiyarina baryaina mwaiho'nesi.

¹ Kigaa' Gotiyarina sarinnya kuryara balesaihiyi. Gotiyari wanganakina yeva kayaa'nanyanna, yiwetawakyanna balesaihiyi.

² Sarega' Kwaakevakiyabwi kayaa'nanyaburi kaanya yamaryadivi' yimakeraaviji kulakengiji maremwaidei yihusavi mwaiide sarebwi limwadivi' mwaalesaihiyi. A'mwera Gotiyari galyekivaimanigasaraavi maremwaali' kurya kayaa'nanya sai.

3 Sara galazeki+valesaraayaba nemi yuyaina kayaa'na mwaalo. Nemire kilaakevine dika neyidada nemire kilaakejika “Sara tewaanya' nyiwaka,” nemire yawita “Sara yideinyi,” yawi'daa yagoinera. Sareina sara yago'na Gotiyari a'mwera kayaa'na mwaaidivita yuyaraavina sinna tika wida'daasi tadevaaihi' kayaa'na yoinaavi kaneramadikeinera.

4 Kir'i' Gotiyai kale gaimwanga naangaangevi aaya kaavilyai gamire tewaanya wivu'nya naangebwi neminyina tewaanya wivu'nakeburina Kirazitiyariji gaala nemwaaaha'.

5 Nemi Gotiyarina yiwetawakadaawojiyavina Gotiyarina nemire kuryara kuna baidivi' kir'i' “Kirazitiyari yidikaaveri wlamwaaihima!” dake'na Gotiyai neyid+kavamwaaaha'. Gotiyai sariminyi yange'na tewaanna yihigaimwadevina yihivadaihasamaarakeihilyi. Yi yuyainaavi gaala nemwaaaha'.

6 Gotiyai neyid+kavamwaaihaka nabaai, Kirazitiyari wlamwaaihoinaaviji Kirazitiyai Jizaazariji Sigunyavi maranemwaaihwake'na maremwaaimanigoinera.

7 Gotiyai “Divi sagaa' yuyagaa' gazagaasagaa' yima'nadehaa' n+mire yanga wigaimwangeburine aaya kaavilya naangaange yuyaraavi wijiwaainima!” daka maranemwaaaha'. Sahwai yanga gaimwangebwina Kirazitiyai Jizaazarina bwiwanna neyakebulyi.

8 Sare' dare'nesi. Gotiyai sariminyi yange'na tewaanna yihigaimwadevina Kirazitiyari

limwadivisa'na yihivadaihasamaarakeihilyi. Sarimi wawinya yina yadivisa'na yihivadaihasamaarakeihi mi'. Aawa. Sahware sihumalesira.

⁹ Sare' Gotiyai yawi'na “A'mwe pwai kwai dara nadathika! 'Wawinya diraginna kye Gotiyai nyivadaihasamaarakeinyi. Tewaanyainyi,' yawi'na yaka sahwai yange'na nevadaihasamaarakesi.

¹⁰ Sare' dare'nesi. Gotiyai mwaaihoinaavi mudikeinaavi newaka!. “Sahwara mi'na wakengi sana sana yamaripika!” daka Kiraazitiyai Jizaazar'i wilanemwaaihaka tewaanya yaadeinaavi mudikeinaavi nemwaaiha!.

*Kiraazitiyar'i
avaalyainaavinesi.*

wilamwaaiho'na

¹¹ Sarevina yihithima! Sarimi Juyaraavidaa'nyaihi mi'. Aawa. Ajimya yuyangiyaihilyi. Juyara kunnya asaji kilaakejikaavi da'nyina yadivisara sariminyina dina “Sahwara kunnya kilaakejikaavi mada'nyadivisarera. Maaverera.” Kigaa' mwaalesaihirina ayina jawirila!

¹² Sagaa' Kiraazitiyai maayaihilyi. Gotiyai a'mweraavi dahilakyaaka Yizireliya yita savaaki menyaba mwaalesaihilyi. Gotiyai gamireraavine yune naanga nebulya'na wjavurine wilimwagarakejiyaihi mika. Angavaayaihilyi. Kwaaka davaki Gotiyamaayaihi mwaale!. Nabaai yemwaalyabwi maayaihilyi. “Gotiyaryaba mwalaadeinera,” majaihilyi.

13 Kirî' dahaasagaa' Kiraazitiyai Jiza-
azari wîlamwaaihasaihi Gotiyaryawîna
yîhîmakabiwakeihîlyî. Kiraazitiyai balaka
gamîre tawe' bwalaravake'na menya keimwî
mwaalesaihi Gotiyaryaba aya kibanna
yîma'naabiwaasaihîlyî.

14 Sare' dare'nesî. Kiraazitiyai sahwai narya'
wakînikelyî. Nabaai, Juyainajî Menyaihîlyî
avaalyainaavî kanemwaaiha' nemîre munya
yîrîla nedîwagakelyî. Sinnawî Juyara keiba
mwaalesa' Menyara aagaiba mwaalesa' tinnyaba
yîkamaangebwi kaanya tinîke' warakesî.
Sare'na sinna tîka wîdavakerera. Kiraazitiyai
sahwai gamîre kîlaakejî' yîsavî balake'na
kaanya tinîke' wo'dalasi'nakelyî.

15 Juyainaavîre Kîwînya', kîwînya dînikelijî
kîmaaka dînikelijî yaasiwa'nanyabwi wakaka
kaanya tinîkebwi wo'dalasi'nakelyî. “Nîmî
narya' waka'mujî yîta pîvakaai warîkeraavî yîta
gavevakîyara nîmînyî wîlamwaaihimâ!” daka
wo'dalasi'nakelyî. Avaalyaina mwaaiho.

16 “Nîmînyî kaanya tinîke',
yîkamaangebwi tamaka'mujî, yî, nîmîre
yîta yovihîrarannîkevîna yuyavakaalyî
Gotiyalyî yîrakuramwaaihimâ! Yî nîmîre
kîlaakejîsiyara avaalyara yîma'nîpîka!” daka
wo'dalasi'nakelyî.

17 Sare' Kiraazitiyai baka yuyaraavî yagaala
tewaanya' narya'ne' wîdakesî. Menyaba
Maaveihi Gotiyari myawîryaihîrî yîhîthake'
aya kîba Juyaina Gotiyari yawî'daanyainaavî
nedakesî narya'.

18 Sare' Kiraazitiyai neyake'na Kuryari

Juyainaav+inaji Maaveih+rinaji nejaava'. Sare'na Nen+maangeryaw+inna wawaaji dinaade'nanyi.

19 Sarev+daa'nyi sar+mi Juya mamwaaly+gasaihi Gotiyar+na kuna Maavera angavaayara mi'. Wa'mwa'div+saihi kuna mamwaaly+ga'. Kuna gabinyaihi mi'. Aawa. Gotiyare angeba mwaalyaihi Gotiyare tewaanyaraji mwaaihasaih+lyi. Gotiyaren+dakih+lyira.

20 Nabaai sar+mi Gotiyare ange'bisaih+lyi. Nedaasadeinaji Gotiyar+ wi'nawiji+waakadiv+saraji minye laanni+keinaavi sar+mi Gotiyare angesi. Kiraazitiyai Jizaazai sahwai munyaba mijamaange' pwiy+n+kelyi Naangei.

21 Sahwai anga yuya' pwiy+n+ka nemi yuyainaavi nel+mwaga'delyi. Naangere anga tewaanya'na mann+keinaavi nemwaaihadelyi. Sara neyada yuyagaa' tewaanyaina yi+ma'nadaanyainera.

22 Sahwari wilamwaaihasaih+lyi nemiji pwaraji sainaavi mann+ka angevi Kuryai wilanemwaali' Gotiyare angevi.

3

Pol+ Maaveraav+ina waw+inya yake'nesi.

1 Yuya sa'na Gotiyari widivanige. Sainyi Polinyi ajimya yuyangiyaihiri widina "Kiw+inya maayaihiri Gotiyai yi+maaranneih+lyi," widina yi+hye'na sinna tika widavakera kalavuzangevi nyimwaaihe'. Kiraazitiyai Jizaazare kalavuzainyi.

2 Kadika mi'na wi'nipi'ja' "Gotiyai Polimi widina 'Maaveraavine' nimirere yanga gaimwangeburine wawinya' ja!' widina yakei daaka!"

3 Gotiyai kigaa' yawi'na "Maaveraji nimirera yima'nipi'derera," yawi'na yake' lika yulya'di'nyi Gotiyai nyibwaridaakwa'. Yoimavajalikirakya sabwi pikarya maali'na mi'na yavikariwa.

4 Sarimi yagaala sa' tinna wanganapiji dara danganyide' "O, Kiraazitiyai a'mweraavina yake' yoimavajalikirakya'ne' Poli mi'na yawi'manikei daaka!"

5 Dahaa' lika yulyarya'ne' gamire Widaasade girimaayaraaviji gaminyi wi'nawijiwaakadivisaraaviji Kuryai wijalangesakakabaabi' kigaa' mijiyima'nigavya piningi a'mweraavi sara myibwaridaakwa'.

6 Yoimavajalikirakya' dara dinikesi. Ajimya yuyangiyara yagaala tewaanya' wi'nadivi' Kiraazitiyai Jizaazari limwadivi' sahwari wilawimwaaihade'na sahwari Juyaraji Gotiyare tewaanya yuyanna ye'mwannamaapi'dere. Nabaai kilaaka gavejikiyara ye'mwannamwaabi'de. Nabaai Gotiyare yune naanga nebulya'na wija' ye'mwannajapalamaapi'dere. Sara dinikesi.

7 Yagaala tewaanya sa' widadin'yainyi. Gotiyai yange'na tewaanna nyigaimwada yange' nyijaavada gamire widaayadin'yainyi nyimwaaiha'. Sai diraginna yaka wawinya sa' kanyijaava' yagaala tewaanya' diraginna

widadinyainyi. Nimi yawi'manige.

⁸ Nimi maalikeinyi. Kiraazitiyare tewaanya pwara naangerera. Maalikeinyi kiri' Gotiyai yange'na tewaanna nyigaimwada nyida' "Kiraazitiyare tewaanaanga naangenna ajimya yuyangi yaraavi duthathe'na githaasiwa.

⁹ Nimi tewaanyabwi sinnawidaa'nyi niminyi lika yulyakyenya' dahaa' yoimavajalikirakyabwi yuyara wangabi'de'na githaasiwa." Gotiyai yuyangi wakyaakei sara yakelyi.

¹⁰ Lika yulyaryaake' dahaa' ku'maayaba wari'. Gotiyai "Kiraazitiyari wi'nya'nera kusilaanyara mi'na maaresabwina Sigungyaviya naangeraji diraginyaraji dara wangabika! 'Gazarazaraavi Gotiyai tewaanna yadelyi. Simunnakei yawita tewaanaanga yawi'dela!' " daka gannya yanga gaimwangebwi nyijaava'.

¹¹ Nabaai, Gotiyai kwaaka mwakyaakegaa' mi'na yawiryaa'ke'na sara yake'nanyi. Gotiyai sara kyawiryaa' Kiraazitiyai Jizaazai nemire Naangei sara yake'nanyi.

¹² Sarevi limwadaa gaminyi wlamwaaiho'na nemi lika myadaa Gotiyai mwaalikewi gaza-gaasagaa' widadaanya'nanyi.

¹³ Sare'na diraginna yihithima! Maaveihiri yihigaimwamanige'na pwara kayaa'na nyivaniga'. Sare'na yawita kwalaalya myawipina! "Kiraazitiyarebwi yagalya'mavaana!" myawipina! Sarimi tewaanna dimwaalyide'na daanga nyivimanike' yi sa' sarimire byaannyasi.

Kiraazitiyai neminyina kale wiade'nesi.

14 Gotiyai tewaanna yaka sare'na kwadaai gilena Nenimaangeri widiwanige.

15 Sai Nenimaangei mwaalike'na Sigunyaviya yuya kuvinimaangeraji Kwaakevakiya yuya kuvinimaangeraji saraavine aaya kaavilyabwi wo'nikesi.

16 Sariminyina “Sarei gamire diraginya yuyangi gamire byaannyaburine aaya kaavilyanna sarimire kurya kusawinyara diraginna yivaimwannemwaaibika! Sarimire munyikaavi gamire Kuryai diraginya sa' yihizaavoji sarimire kuryaraavi diraginyaraavi yihimwaaihana!” dena widiwanige.

17 Kiraazitiyari nayaa limwadiwisavina sarimire simunyangi Kiraazitiyai kuna wilayihimwaalana! Yisare pwipula kwaakevi diraginna waayikabaabi', nabaai, ange' diraginna widaakunikabaabi' kale nayaa yihyada diraginna jawiramwaalyila!

18 Sara yapiji Gotiyare tewaanya yuyaraji Gotiyare diraginya' maa'divi' dara jawiramaarila! “Ai, neminyina Kiraazitiyari tewaanya wivu'nade naange' daaka!” Yuya bwakulaawika bwakulaawika aagangi wawilavikesira. Naangaangesi kale sa'. Sare'na sariminyina “Gotiyai gannya diraginya' wijaavana!” dena sahwari widiwanige.

19 Kale yada yuya' yinahu myawiri yipine' Kiraazitiyari kale yade' jawiramaarila! “Gotiyare yuya gami sari yuneba warikenna nemire munyikaavi, simunyangi yuneba wilanewarana!” dapiji sara jawiramaarila!

20 Gotiyare diraginya' nemire munyikaavi yade'na nemi Gotiyari widanganaaja yuyangiji yawiraaja yuyangiji wawilavade naanga naanga yadelyi Gotiyai.

21 Sareri "Byaannakeigi!" widaana! Gotiyai kuda' Kiraazitiyai Jizaazai yuyaraavina balake'na Gotiyari "Byaannakeigi!" widaana! Kiraazitiyari limwange'nera kusilaanya yuyara "Byaannakeigi!" widipika! Divi yuyagaa' gaza-gaasagaa' waragothehaa' yuyaina sara widaana! Naanga sahirisira.

4

Kiraazitiyareina Kiraazitiyare kilaaka gaveji'na avaalyaina mwaaiho'nesi.

1 Sarevidaa'nyi nimi Naangeri widaayadinya'na kalavuzangevi nyimwaaihesainyi yihithaanganima! Gotiyai kagithahilaka' jivwaramaata sareburi kaanya nayaa jamaaya!

2 Ginnya yaya' mamakilyadi kave yawikinyaigi kave yadi pwara kayaa'na gyadaapiji sinna tika yarai madayi gyada tewaanna dimwaala! Pwaraavina kale gyada kumire yagaala wi'nadi nayaa duhaimwana kale'na!

3 Gotiyai narya' wakinike'na kwaamu'nanyaburi Kiraazitiyareraji je'mwannamwaala! Kuryai yuyaihiri yihye'mwannamwaaihake'na kilaaka gavejikiyaihi diraginna kuna dimwaalyila!

4 Kiraazitiyareina gamire kilaakeji' gave piji'na mwaaiho. Gotiyare Kurya gave pwai nemijiyai mwaali'. Nabaai, Gotiyai yihithahilakake'na yihizivwaramaarakabaaibi' nawi'nyaba tewaanyaihi dimwaaalyide' yemwaaimanigata gavebwi warì'.

5 Naanga gave pwai mwaali'. Naangeri limwadaanya gavebwi warì'. Bavitaaziwabwi gavebwi warì'.

6 Gotiyai a'mwe yuyainaavi Nenimaanga gave pwai mwaali' Kiraazitiyareinaavina. Sai yuyainaavi munyaba mwaalikelyi. Sai yuyainaavi diraginyainaavi nemwaaihada gamire wawinya yivanigo sahwarinera. Sai yuyainaavire munyangi wilanemwaaalikelyi.

7 Gannya wawinya'na Kiraazitiyai yawi'na "A'mwerina sara wijaavima! Pwarina dara wijaavima!" yawi'na yada gazainyinzainyia yanga gaimwangeburine nejaawa'.

8 Sarevi Gotiyare bukuya' dara dinikesi.

Ke'mwewinna yilaawina yaka

Wila pwiyinikeraavi makilaawa'.

A'mweraavina sihumale yanga wijaava'.

9 Sara dinike' yagaala "Yilaawina yaka," be yagaalyavaka? Dara dini' "Sinnawi walaaba'. Kwaaka kewewinina walaaba'," sara dinikesi.

10 Sai walaabakei avaalyai yilaawa'. Sai sigunyangina yilaawaka ke'mwewinna Sigunyavina yilaawaka "Yuya yuyangi wilamwaalima!" daka yilaawa'.

11 Sahwai Kiraazitiyai "A'mweraavina sihumale yanga wijaavakelyi." Sare'na gannya diraginya' wijaavada pwaraavi

“Nimire yithaasadinyaihi,” dahilakina. Pwaraavi “Gotiyare wi'nawijiwaakadivisaihi,” dahilakina. Pwaraavi “Yagaala tewaanya' mudikeraavi widadivisaihi,” dahilakina. Pwaraavi “Sipizipiya nimireraavi maremwaaina, wijiwaakadivisaihi,” dahilakina yakerera.

12 Kiraazitiyarera tewaanyara naanga yune nebulya'nanyara yima'nipi'de'na sara dahilakina. Widaayabwina gaimwannipi'de'na sara dahilakina. Kiraazitiyare kilaakejikiyaina gamireina diraginyaina simunnakeina yima'naade'na sara dahilakina ya'. (Anga nayaa mannikabaabisaine.)

13 Neminyine'na dahilakina yakera kunnya wawinya nayaa yadivi' kilaaka gavejikiyaina yuyaina Gotiyare Gawaalivi' avaaizimunya yawiraade'nanyi. Nemi a'mwe naanga yune nebulya'nanyaibisaina Kiraazitiyarina mwalaadeine gami kwaibi'. Kiraazitiyai tewaanyai simunnakei sawai mwaalikabaabi' a'mweina avaalayaina yinahu mwalaadehaa'nanyi.

14 Sareinaavina “Kaimiraayara kuna namwaaibithika!” daka negaimwadivisaraavi nejaava'. Kwaasiyara kwaasi yagaala pinini yihusa' pina pina do'mwadevaabi' nedadaapiji kaimiraayaina namwalaadika! Kwaasiyara kayaa'nanyabwi yawi'divisara wabwiwayagaala dadi'vi' kwaasiya gevwi gevwi wijiwaakadivisare.

15 Kaimiraayaina kuna mamwalaanna!

Aawa. Kale neyadaawoji nebulya' widadaa tewaanna mwalaadeine! Kiraazitiyari yuna wlamwalaajaina yuya tewaanyabwina giryaadeine. Nabaai, Kiraazitiyai sahwai nemire Minyaginyalyi.

¹⁶ Sai nemaremwaalikei nayaa nedada sara yaade'nanyi. Kiraazitiyare kilaake' yakabaaibi' sara yaade'nanyi. Sivila, ata, kihita, kadika saza miw'nika, dahaala yuya ye'mwannika, yuya sa tewaanna yinikejikira. Kilaaka yuyaji' nayaa yina yada girinikabaaibi' nemi gamire diraginya' ma'daa Kiraazitiyare pwaraavi wigaimwadaa "Diraginyara tewaanyara mwaabika!" dadaa nayaa wijiwakadaa Kiraazitiyare yuyaina kale neyada tewaanna mwalaade'nanyi.

Kiraazitiyari wlamwaaiho mudikebwines.

¹⁷ Sarevidaany'i Naangeri wlamwaaiheinyi Naangei dare nyidake'na diraginna dara yihizalikulakima! Nayaa kadika dinyu'nyila! Ajimya yuyangiyaraavirebwina mwaaidivitabaaibi' kuna mamwaaibina! Sahwaraavire yawita waryaanya wari'.

¹⁸ Kumire yawiramaata jihinya'bi' wari'. Kumire simunya mi'na silaange wilarikevina kuminyi sidu'maayabwi wilarikevina Gotiyai gaalyabwi wimwaaihadevuri menyaba mwaaihasare.

¹⁹ Kumirebwina myawiri "Kayaa'na yivanigeinyi. Sabwi myiwineinyi." Naangegaa' sara myawiryadivisara wagila

muvwa'nyadera ata limwangebwi diraginna yina. Girikita'nanyabwina mijike'bi' wiadere.

20 Kiraazitiyarera sabwi myihiziwaakesaihiyi. Kiraazitiyari ma'mwaasaihi gevwi yipineihilyi.

21 Sahwarina kadika mi'na wi'ne'. Sahwari wilamwaaihasaihi yihiziwaake'. Jizaazari nebulya' wwarikabaaibi' yihiziwaakesaihiyi.

22 Sarehi, ayabulyiyaihi kigaa' sarinnya simunya yawi'divi' kayaa'na mwaalesabwi marasi'nipineihilyi. Simunya sa kayaa'nanyanna kwaasi yawi'na "Wabahilaake'nesi. Tewaanyasi. Yilaaya'nesi," kwaasi yawi'na yada kayaaka yihyigaidaasi simunya sa marasi'nipineihilyi.

23 Sarimire simunyaji yawisaji kuryaji mudike yuna yihwakanneihilyi.

24 Gotiyai mudikeihiri yihimwaaihaka gamibisaihi simunya nawi'nya' yawipineihilyi. Simunya sara yawi'divi' nebwinna mwaaidivisavi nayaa yida'maraangebwi yina, girimaayabwi tewaanna yina yipineihilyi Kiraazitiyarehi.

25 Sarevi kwaasi yagaala wija'nebwi dasi'nana! Wasina'gizi gazaigizaigi nebulya' ja'mweri duthana! Yuyaina Kiraazitiyare kilaakejkiyaina mwaaiho'na nebulya' duthana!

26 Pwai kayaa'na kyoji gimire sinna tika kagithavoji kiri' simunya nayaa maremwaala'gizi saigi kayaa'na myinna! Naangegaa' sinna tika magithavanna! Sinna tika kuna kagithavoji nyilyai gaai waidaawojiyagaa' sare' kayaa'nanyasi. Sinna tika sabwi yarai dimarasi'nana!

27 Naangegaa' sinna tika kagithavoji Saataani gimire simunyavi yawita kayaa'nanya nakadika! Sabwi myinnersa!

28 Kukei maarakei kuna maaaranna! Aawa. Sai wawinya nayaa yana! "Wawinya tewaanya' asiraalyi ya'muji nigwimaayaraavi wijaapalyima!" dozi nayaa yana!

29 Ginnya maangevi yagaala kayaa'nanya mudinna! "Pwara yagaala nawi'nya' nyu'napiji yanga gaimwangebwi maapika!" da'gizi yagaala sa duthana! Sara kuda'gizi yagaala sa' wigaikeraavi, kadika wi'nya'neraavi diraginna wivaimwagathe'nanyi.

30 Pwaraavi kayaa'nanya kuda'gizi Gotiyare Tewaanyai Kuryari taanga nuyadika! Gotiyai dina "Ninnya Kuryari kujaava'muji nimirera yima'nipika!" dina yaka githahilaka!. Kuryari wilamwaaihinya'na diraginna yawi'na "Sagaa' yuna neyaaroyiyagaa'na gamire yavikwajike' nejaava'." Yawi'na yivaniginyaigi nayaa dimwaala!

31 Jikurya myinna! "Pwara kayaa'nanyarera," myawi'dinna! Sinna tika yaaswa'na magithavanna! Maanga, maiyagaala mudinna! Biralala mudinna! Yuya sabwi dimarasi'nana! Nabaai kayaa'nanyabwi myinna!

32 Aawa. Ja'mweri bwiwanna yina ja! Sarina kale gyana! Kiraazitiyai balake'na Gotiyai gimire kayaa'nanyabwi marasi'nikabaabi' pware kayaa'nanya gazaigizaigi minya maaa'dinna!

5

Baakebur+ tewaanya mwaaiho'nesi.

1 Gotiyare kaimiraayaiginyi yilaaya
g+vu'nadeigi mwaaih+nyabaaibi' gamire
mwaalyabwi ja! Gotiyari dimidina!

2 Kiraazitiyari neminyineba kale wiakei
neminyina balakabaaibi' kale gyada
dimwaaideiginyira. Juyaraavire Ne
sinnawinyara sip+zipiyari yanga wijaaya'ne'
dika nasi'nadaasi Gotiyai wabati'rya' winada
yilaaya yakabaaibi' Kiraazitiyai tewaanyabwina
yuna balake'na yilaaya yakelyi.

3 Gotiyare tewaanyaihi mwaaihatabaaibi'
ata limwangebulyi girikita'nanya yuyabulyi
wabar+nyabulyi sare sabwina yleyagaala
madibina! Sarebwina pwara nyawip+dika! "O,
kayaa'na jivaniga'."

4 Yagaala kayaa'nanyaji yimaka
widivisaraavire yimakyagaalyaji
kayaa'nanyabwina yipaa'nyi yagaalyaji
madipina! Gotiyareihi wija'ne sabwi
madipineihilyi. Aawa. Gotiyari yilaaya'na
"Su! Su!" widipineihilyi.

5 Sare' dare'nesi. Diraginna dara
yawimangasasi. A'mwera ata limwangebwi
yadivisaraji girikita'nanyabwi yadivisaraji
pwaraavirengi wabar+nyabwina yadivisaraji saraavi
Kiraazitiyalyi Gotiyalyi mamaremwaalyi
yikadera. Kirimire yovirawakiwaalya mamaari
yipi'derera. Pwaraavirengi wabar+nyabwi
sabwi a'mwa'mwe, nyilyai, yita naangera,
silaanga sazangina yilaaya yadivisabulyi. Sare

avaalyabwi wabarinnyabwina pwaraavirengi yawi'divisare. Gotiyari yilaaya myadivisare.

⁶ Aane pwai kwai yaasiwa'nanyanna widina “Sara ya'gizi tewaanna dimwaaideiginyi,” kwaasi sara nagithathika! Sare' dare'nesi. Kayaa'nanya dazanna yadivi' Gotiyari galyekivaidivisaraavina Gotiyari sinna tika wida'da wiramadelyi.

⁷ Sarevdaa'nyi sara yadivisaraji myinnera! Saraayawidaasi jahalya'makwodeiginyi.

⁸ Sare' dare'nesi. Kigaa' sahwaigi jihinyasiyaigi kayaa'na mwaalaginya kiri' dahaa' Naangere baakesiyaigi tewaanna mwaihi. Sareigi baakesiyara yigatabaaihi' kuna nayaa dimwala!

⁹ Sare' dare'nesi. Gamire baakebwina mwaaidi tewaanya yuyaji nayaa yida'maraanga yuyaji nebula yuyaji sangineiginyi gimwaaihatheiginyi.

¹⁰ Naangei Baakei sabwi yilaaya wigaidevwi yawiramaa'na ja! “Sai ‘Tewaanyabulyi,’ nyidathevwi yima!” sara yawira'gizi sara ja!

¹¹ Jihinyasiya, yaasiwa'nanya yadivisa sara mye'mwannayinna! Aawa. Baakebwi nayaa ya'gizi kumire kayaa'nanyabwi jivwaridaakwa!

¹² Sare' dare'nesi. Jihinyavi kayaa'nanya lika yulya'divi' yadivisanna waginaka yagaala madipinengi.

¹³ Baakevi yuya kyibwaridaakwa'gizi yuyara dara wangabi'de! “O, aaya kaavilya' sasare' daaka!” Sare' dare'nesi. Baake' pu'daawoji a'mwera sabwi yagalya'mavapiji yirikebwi yipinerera.

- 14 Sarevi dɪnɪke!
 “Se wakɪnyaigɪ dɪthɪkaaka!
 Bainɪkeraayawɪ ayɪna dɪthɪkaaka!
 Kɪraazɪtiyare baake' gɪvuradesɪ.
 Dɪkaava'gɪzɪyaigɪnyɪna sɪmunya gɪzaavadelyɪ.”
- 15 Sarevɪdaa'nyɪ gɪnnya mwaalyabwi nayaa
 jawɪka! Sɪmumaayaigɪ mamwaaidɪnna! Aawa.
 Sɪmunnakeigɪ dɪmwaala!
- 16 Yɪrɪka kayaa'nanyagasa warɪke'na “Dahaa!
 tewaanna yɪjɪhyɪwana?” da'gɪzɪ nayaa sara ja!
 Yɪrɪka sa yaasɪwa'na nabothɪka!
- 17 Sarevɪ sɪdu'maayaigɪ mamwaaidɪnna!
 Aawa. Naangei gɪmɪnyɪna “Sai sare' yana!”
 kyawɪrojɪ sare' ja!
- 18 Aalya waainɪya biyaaya'bɪta naanga
 manɪnna! Sare' yɪmaka nuyɪdɪka! Sarebwi
 ya'gɪzɪ kayaaka jɪhainade'nanyɪ. Saza manɪnna!
 Aawa. Kuryai gɪmɪre sɪmunyavɪ yuneba
 wɪlagɪmwaalana! (Sai sɪmunya' nayaa yuna
 gɪmaremwaalana!)
- 19 Sareigɪ ja'mwerɪ Gotɪyare yagaaidaata,
 Gotɪyarɪna yɪledaata daata wɪja'nejɪ duthana!
 Gɪnnya sɪmunyavɪ Gotɪyarɪ yɪlaaya naanga yadɪ
 Naangerɪ daata, yɪledaata duthana!
- 20 Yuyagaa' yuyanna Gotɪyarɪ Nenɪmaangerɪ
 “Su! Su!” duthana! Nemɪre Naanga Jizaazai
 Kɪraazɪtiyarɪna yawɪra'gɪzɪ sara duthana!

Kɪyorɪnesɪ.

- 21 Yuna wɪlagɪmwaalanneigɪ Kɪraazɪtiyarɪna
 yawɪ'na “Naangelyɪ. Kave yawɪrɪma!”
 yawɪ'na yɪvanɪgɪnya'na ja'mweraavɪ kwaakewɪ
 dula'naka! “Dara yawɪ'mwa. Nɪmɪ maalɪkeinyɪ.

Nya'mweraavi kadika wi'n+ma!" Sara dinneiginyi.

²² Balaange'gi, nem+ Naangeri m+id+inna y+van+govaab+! g+nnya kwalaangeri kwaakew+ dula'naka!

²³ Kiraaz+tiyai gam+re kus+laanyainaav+ nemaremwaaide M+nyag+nyai mwaal+kabaab+! kwalaangei gannya balaangev+ w+maremwaaide M+nyag+nyai mwaal+!. Kiraaz+tiyai sahwai kus+laanyainaav+ nevadaihasamaarakelyi. Gam+re k+laakej+k+yainera nem+.

²⁴ Sare'na kus+laanyaina Kiraaz+tiyar+ kwaakeba walamwaaina y+van+govaab+! balaange'gi yuyangi g+nnya kwalaangeri kwaakew+ w+la'na'na j+the'g+ny+.

²⁵ Kwalaangeigi, Kiraaz+tiyare kus+laanyainaav+neba kale wiada gannya tawe! nemubya'nei w+jaaya'nei balakabaab+! g+nnya balaangev+na kale gyana!

²⁶ "Kum+re k+laakengi aalya wiad+nyabaab+! Gotiyare yagaalya! kum+re simunyang+ji muny+kaav+ji kyavada'galoji Gotiyar+na tewaanyaraav+ w+mwaaih+ma!" daka Kiraaz+tiyai bala'.

²⁷ "Aayagaa! n+m+nyaba kus+laanyaraav+ w+mwaaih+ma! Sagaa! byaannakeraav+ w+mwaaih+ma! Kum+re simunyang+ji muny+kaav+ gir+kita'nanya, naw+nya mya'ne saza mwari yana! Aawa. Gotiyarera tewaanyara, gir+kita'nanya maayara mwaab+ka!" daka balake'nany+.

²⁸ Sare'na g+nnya k+laakej+k+na kale gyada nayaa maremwaaid+nyabaab+! g+nnya

balaangevina kale gyana! A'mwei gannya balaangevina kale wiadei, yithaa, a'mwei gami sarina kale wiadelyi. A'mwei balaangevina yawi'na "A'mwe sa' n'nyina kilaakejikira."

²⁹⁻³⁰ Sare' dare'nesi. A'mwera kunnya kilaakejikaavina sinna tika mudayaderera. Aawa. Wapaaya nayaa wijaavadi'v' yuyagaa' kave maremwaaidi'v'sajikera. Kiraazitiyare kilaakejikiyaina mwaiho'na kusilaanyainav' kave nemaremwaalikelyi avaalayabaabi'.

³¹ Sare'na dara dinike' "Sarevi' a'mwei gamire ganimaangelyi ganaangesi sayori yagalya'mavoji gannya balaangesi ye'mwannemwaaladelyi. Sara kyoji sawaai kilaaka pijin'nyayoi yima'nyikadelyi."

³² Sara gave dinike' nebulya' naange' neminyina dinikesi yoimavajal'kurakya sa'. Sare' dara yawi'manige' "Yo, Kiraazitiyalyi kusilaanyainaji sara dinike' daaka!"

³³ Sara dinike' kir' giminyina dinikesi. Kwalaanga gazaigizaiginyina kale gyadevaabi' ginnya balaangevina kale gyana! Balaanga gaza'giza'gi ginnya kwalaangerina yawi'na "Sai n'iminyina a'mwe naangelyi," yawi'na jithe'ginyi.

6

Kinidakaavines.

¹ Kaimiraaya kwaigi, Naangeri w'lamwaih'nyina gimaamaangelyi gwaangesi sayori dimidina! Sare' dare'nesi. Sabwi yija' yida'nanyasi.

2 Dɪnɪkɛ! “Gɪnnɪyɑ gɪmɑɑmɑɑngɛlyɪ gwɑɑngɛsɪ sayorɛ yɑyɑ dɪmɑkɪlɑ!” Kɪwɪnyɑ sɑ', kɪwɪnyɑ nɑɑngɛ', yɑgɑɑlɑ yunɛ nɑɑngɑ nɛbulɪyɑ'nɑ wɪjɑ'nɛ' kɪnɪnnɑkɛ' sɪnnawɪnyɑ' dɪnɪkɛsɪrɑ.

3 Yɑgɑɑlɑ yunɛ nɑɑngɑ nɛbulɑ sɑ' dɑrɑ dɪnɪ! “Sɑrɛ'nɑ gɪmɪnyɪnɑ ‘Yuyɑngɪnɑ tɛwɑɑnnɑ wɪmɑ'nɑnɑ! Kwɑɑkɑ dɑvɑkɪ sɑɑmɪnyɑgɑɑ' mwɑɑlɑnɑ!’ dɑkɑ gɪthɪwɑ’.”

4 Kuvɪnɪmɑɑngɛgɪ, gɪmɪrɛ kɑɪmɪrɑɑyɑrɑɑvɪ yɑɑsɪwɑ'nɑ kɑrɑmɑ'gɪzɪ yɑɑsɪwɑ'nɑ sɪnnɑ tɪkɑ nudɑvɑdɪkɑ! Awɑ, kɑyɑɑ'nɑ kyɑpɪjɪ Nɑɑngɛrɛbwɪ nɑyɑɑ yɑwɪrɑ'gɪzɪ nɑyɑɑnɑ dɪrɑmɑ! Nɑyɑɑnɑ duthɑnɑ! Nɑɑngɛrɛbwɪnɑ duzɪwɑɑkyɑ!

Yɑɑsɪwɑ'wɑwɪnyɑrɑjɪ mɑrɛmwɑɑɪdɪvɪsɑrɑjɪ sɑrɑɑvɪnɛsɪ.

5 Wɪdɑɑyɑdɪnyɑgɪ, gɪmɪnyɪ kɪlɑɑkɛjɪkɪnɛɪ gɪmɑrɛmwɑɑɪdɛɪ sɑrɑ kɑgɪthozɪ Gɔtɪyɑrɪnɑ lɪkɑ yɑdɪ nɑyɑɑ sɑrɑ dɪmɪdɪnɑ! Gɪmɪrɛ sɪmɪnyɑ' gɑvɛ pɪrɪ'nɑ nɑyɑɑ yɑwɪ'dɪ nɑyɑɑ sɑrɑ dɪmɪdɪnɑ! Kɪrɑɑzɪtɪyɑrɪ duthɑɑyɪdɛvɑɑɪbɪ' nɑyɑɑ sɑrɑ jɑ!

6 Gɑvɛgɑɑ' mɑrɛmwɑɑɪdɛɪ tɪnnɑ gwɑn-gɑdɑɑwojɪ “Wɑwɪnyɑ tɛwɑɑnyɑ'nɑ yɪlɑɑyɑ nyɪmɑryɑnɑ!” dɑ'gɪzɪ gɑvɛgɑɑ' nɑyɑɑ yɪjɪwɑɑlɑ nyɪdɪkɑ! Awɑ. Yuyɑgɑɑ' nɑyɑɑ jɑ! Kɪrɑɑzɪtɪyɑrɛ wɪdɑɑyɑdɪnyɑgɪ mwɑɑɪhɪnyɑ'nɑ Gɔtɪyɑrɛ sɪmɪnyɑ' gɪnnɪyɑ kuryɑɪ nɑyɑɑ yɑnɑ! Sɑrɛ' mɑrɛmwɑɑɪdɛrɪnɑ nɑyɑɑ jɑ!

7 Sɑrɛgɪ wɪdɑɑyɑdɪnyɑgɪ sɪmɪnyɑvɪ “Nɪmɪ tɛwɑɑnɑ yɪmɑ!” yɑwɪ'dɪ yɪlɑɑyɑ'nɑ nɑyɑɑ jɑ! A'mwɛ gɑvɛrɑɑvɪ duthɑɑyɪdɛɪgɪ mɪkɑ! Awɑ. Nɑɑngɛrɪjɪ duthɑɑyɪdɛvɑɑɪbɪ' nɑyɑɑ jɑ!

8 Dara jawi'desi. Wawinya tewaanya'na Naangei gazai gazarina tewaanya ayina wijaavadelyi. Nigwiwawinyar+naji yaasiwa'wawinyar+naji wawinya' avaina wijaavadelyi.

9 Maremwaaidinyaigi, avaalyabaaibi' ginnya githaayaderi nayaa ja! Maiyagaala kuna madinna! Nayaa dara yawi'mwaa. Sigungyavi Nemaremwaaide gavelyi. Gimiji githaayadi+visaraji saihiri avaina yihimaremwaalikelyi. Sai a'mweri sinnyasi yayasi yawisasi yawi'da myikelyi. Aawa. Yuyaraavina avaina yikelyi. Sara yawi'mwaa. Sare'na nayaa ja!

Nemire kuryara mala bwa'nya'ne'bi' yovirawakya'nesi.

10 Yagaala pini yihithima! Naangeri kuna diraginnna wlamwaaida'gizi gannya diraginya' gizaavada diraginnakeigi gimwaaihana!

11 Kotiya Maryadei yawi'na “Sai kayaa'nanya kuna yana!” yawi'na yoji kwaasiya gyathehaa' diraginyaigi dimwaaide'na mwasaabya, pini Gotiyai gizaavade yuyajiyaiigi diraginnna ja!

12 A'mwera kilaa'nakera tawanakeraji mala mabwa'nyivanigo. Aawa. Kurya kayaa'nanyara maremwaaidi+visaraji diraginyaraji jihinya dahaa' yimakera Kwaakeva' kayaa'nanyava' maremwaaidi+visaraji saraavi sigungyavi kurya kayaa'nanyara mwaaidi+visaraji saraji mala bwa'nivanigo.

13 Sarevi Gotiyai saabya sasi gizaavade yuyajiyaiigi malya'na maarina ja!

“Kayaa'nanyagaa' malyagaa' yi'ma'nadehaa' yikamaangei kanyiramoji diraginna daavima! Mala bwara'muji aayagaa' diraginna dathiwagi'ma!” da'gizi maarina ja!

14 Sarevidaa'ny'i malya'na yovirawaka'gizi Romiyai aawilasaibisaigi' gidaa'na ja! Munnaanya' Nebulya' divadathivainana! Yida'maraangebwi kihisavi yuna diraginya'na divaazi'ma'nana!

15 Gotiyare narya'na yagaala tewaanya' yarai widadaanya' sivilyiraari divaazi'ma'nana!

16 Nabaai, Naangeri limwadaanyabwi yuna saabya diraginya' dimaryivila! Yikamaangei mwasaagala dika nadaawojiya padaawoji gimire saabya' gimarulyakedaavadesi.

17 Naangei nevadaihasamaarakewi minyaginyavi dimwaaihi'nana! Gotiyare yagaalya' Kuryai nejaavake' kwaari'masiraminya' gurimaanga yuneba woinike' dilimwana!

18 Yuya sanna Gotiyari wija ja! Kuryai ghaimwadaawoji yuyagaa' Gotiyari diraginna duthana! Jithaangana! Dameigi nayaa tinna wangadi yuyagaa' Naangeri yuyanna diraginna duthana! Yuyagaa' Gotiyare tewaanyaraavina diraginna jithaangana!

19 Nabaai nimini'na Gotiyari duthana! “Gotiyaigi, Polimina yagaalya' kujaava'muji nayaa diraginna widana! Sahwai lika mi yada yagaala tewaanya' yoimavajal'kurakya' nayaa diraginna wijiwaakana!” da'gizi yanga duzaama!” Sara duthana nimini'na!

20 Yagaala tewaanya'na Kingiyai Kiraazitiyai nyidaasadere wawinya' yivanigeinyi. Kigaa'

Kiraazitiyarina widahe'na wila nyivwiyeta kiri' Kingiyare wawinya' yivanigeinyi. “Lika nyiwidika! Nimire diwija' diraginna widima!” dadi githivanige. Sareinyina Gotiyari duthana!

Yagaala aaya'nesi.

²¹ Tikikaazai neya'mwei sahwarina nevu'nadei tewaanyai Naangere wawinya' diraginna widaayadelyi. Sarei niminyina yuya yithathelyi. “Sahwara niminyineji nimi yivanigeji yawipika!” dena sariminyawinna widasiwaabe.

²² “Sarimi neminyinenna jawirila! Sara yawirapiji sarimire simunya diraginya jivaimwanyila!” dena widasiwaabelyi.

²³ Gotiyai Nenimaangelyi Naanga Jizaazai Kiraazitiyalyi sanidaai neya'mweihiri kirinnya kwaamu'nanyabwi yihimwaaihika! Kale yihyadevwi Naangeri limwangebulyi diraginna yihizaayika!

²⁴ Nemire Naanga Jizaazai Kiraazitiyarina sarinnya tewaanya yihivu'nada, nabaai kuna diraginna sara yihyada, yi sahiri yanga tewaanna yihigaimwagika!

Poli

**Yipma Genesis and New Testament
Genesis and The New Testament in the Yipma/Baruya
language
Buk Stat na Nupela Testamen long tokples Yipma long
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 9 Oct 2020

ef60f748-49e3-5ee0-8e6d-a25b74b7a93c